

Dus gruppas surmiranas on persvadia

Gion Nutegn Stgier/FMR

Dallas quatter gruppas da Surmeir tg'èn stadas qualifitgeidas pigl final grischun da gruppas a Coira on dus fatg igl zap per l'amprema da treis rundas naziunala. Agl Rossboden è la concorrenza stada fitg ferma e guda-gnea on ainten las treis categorias sen la distanza da 300 meters las gruppas favoritas. Chegl èn aint igl camp A, Favogn, aint igl camp D, Rothenbrunnen, igl campiu svizzer actual ed aint igl camp E, cun Castrisch er en anteriour campiu svizzer e campiu grischun. Cun l'arma da standard, categoria A è reuschia alla grappa Alvra da contanscher igl quart post cugl resultat da 1883 puncts. Favogn, la grappa victoura, ò sargetto 1900 puncts. Tratg ferm per la grappa dalla Val Alvra ò cunzont Urs Brazerol cun ena passa da 190 puncts ed ena passa da 195 puncts. Cugl resultat da 1883 puncts è la grappa da Sotses sa qualifitgeida per l'amprema runda svizra, noua tgi dat mintgamai gruppas da tschintg per runda. Da chellas von adegna dus ainten la sagonda



Tratg ferm tigl final da gruppas ò Urs Brazerol, igl tiradour da Farrera.

Foto Gion Nutegn Stgier

runda naziunala. Mantganto angal per en punct la qualificaziun per l'amprema runda svizra ò la grappa Surses aint igl camp A cun davantar 11avla. Tot tenor constellaziun da gruppas dastga er chella grappa sa participar

alla concorrenza naziunala. Persiva è sa qualifitgeida per l'amprema runda svizra aint igl camp D, arma 57/03, la grappa Surses e caschuno uscheia per ena gronda sorpresa tigl final grischun da gruppas sonda passada a Coira.

SALOUF

Ovra hidraulica Adont an funcziun

Siva da bung dus onns ed en zichel retard produtgescha l'ovra hidraulica ossa forza electrica. Chegl communitgeschan las Ovras electricas da Turitg EWZ. Damanevel da Savognin vignan ossa produtgias mintg'onn 10,2 ouras gigawatt electricitad - chegl tanscha per radond 4300 casadas.

Ovra hidraulica Adont ò retard

Las lavours da construcziun ve dalla nov'ovra hidraulica pitschna Adont èn eidas a fegn igl november passo. Percheigl tgi la turbina ainten la centrala nova agl lai da fermada da Burvagn fascheva anc problems, n'è l'ovra hidraulica betg eida immediat ve dalla reit. Da lezzas ouras ò Thomas Ziegler, igl manader da project dall'Ovra electrica da Turig, declero anvers RTR tg'ins stoptga sclareir igls problems dalla turbina tgi vegia en disequilibr tgi caschunga vibraziuns nunspitgeidas. An tot èn nias investos radond 15 milliuns francs ainten la nov'ovra hidraulica tgi nizegia l'ava digl ual Adont. La tschiffada d'ava sa catta sot Cre digl Lai a Mundaditsch sen 1740 meters sur mar. La lengia da pressiuon ò ena lunghezza da 4,2 kilometers. (rtr/fmr)



La tschiffada dall'ava digl ual Adont a Mundaditsch, sot Cre digl Lai.

Fotos Madlaina Capeder e RTR